

ত্রিপুরা সরকার
তথ্য ও সংস্কৃতি অধিকার

স-৫১৩৮

গন্ডাতুইসা, ১০ মার্চ, ২০২৪

গন্ডাতুইসায় রাইমা সাইমা কলাক্ষেত্রের উদ্বোধন

প্রাণ্তিক জনপদের অন্তিম ব্যক্তির কল্যাণ সরকারের অন্যতম লক্ষ্য : মুখ্যমন্ত্রী



অ্যাসপিরেশনাল জেলা হিসেবে চিহ্নিত ধলাই জেলার প্রাণ্তিক মহকুমা গন্ডাতুইসার সার্বিক বিকাশে সরকার অগ্রাধিকার দিয়েছে। প্রধানমন্ত্রী নরেন্দ্র মোদি উন্নয়নের যে নিশ্চয়তা দিয়েছেন সেই লক্ষ্যেই বর্তমান সরকার কাজ করছে। প্রাণ্তিক জনপদের অন্তিম ব্যক্তির কল্যাণ সরকারের অন্যতম লক্ষ্য। আজ গন্ডাতুইসা মহকুমার নারায়ণপুরে নবনির্মিত রাইমা সাইমা কলাক্ষেত্রের উদ্বোধন করে মুখ্যমন্ত্রী প্রফেসর (ডা.) মানিক সাহা একথা বলেন। উল্লেখ্য, নবনির্মিত রাইমা সাইমা কলাক্ষেত্রের নির্মাণে ব্যয় হয়েছে ১৫ কোটি ২৩ লক্ষ টাকা। দ্বিতীয় এই কলাক্ষেত্রের গ্রাউন্ড ফ্লোরে ৭ ১৩টি এবং ফাস্ট ফ্লোরে ১৫০টি আসন রয়েছে। নবনির্মিত রাইমা সাইমা কলাক্ষেত্র থেকে মুখ্যমন্ত্রী প্রফেসর (ডা.) মানিক সাহা এবং ভার্চুয়ালি গন্ডাতুইসায় রতনমণি পাড়া উচ্চবিদ্যালয়ের নবনির্মিত ভবন, ১০০ শয্যা বিশিষ্ট দুর্বাজয় চৌধুরী পাড়ায় কস্তুরবা গান্ধী বালিকা বিদ্যালয়ের গার্লস হোষ্টেল, আনন্দরোয়াজা মেমোরিয়াল ইঁলিশ মিডিয়াম এইচএস স্কুলের সাংস্কৃতিক ভবনের উদ্বোধন করেন। তাছাড়াও অনুষ্ঠানে মুখ্যমন্ত্রী ভার্চুয়ালি গন্ডাতুইসা মোটরস্ট্যান্ডের শিলান্যাস করেছেন।

অনুষ্ঠানে মুখ্যমন্ত্রী বলেন, উন্নয়নের অন্যতম প্রধান শর্ত হচ্ছে শান্তি ও সম্প্রীতি। রাজ্যে এখন আইন শৃঙ্খলার পরিস্থিতি সন্তোষজনক। তাই ভিন্ন রাজ্যের উদ্যোগীগণ রাজ্য বিনিয়োগ করতে আগ্রহ প্রকাশ করছেন। প্রায় প্রতিদিনই বহিরাজ্যের শিল্পপত্রিকা নতুন নতুন প্রস্তাব নিয়ে রাজ্যে আসছেন। মুখ্যমন্ত্রী বলেন, গন্ডাতুইসা মহকুমার অন্যতম আকর্ষণ ডুম্বুর লেক ও নারিকেলকুঞ্জের মতো পর্যটন ক্ষেত্র। এখানকার পর্যটনক্ষেত্রের পরিকাঠামো উন্নয়নেও সরকার অগ্রাধিকার দিয়েছে। সম্প্রতি পশ্চিমবঙ্গের মালদা সফরে যাওয়ার সময় অনেকেই ত্রিপুরার ডুম্বুর লেক ও নারিকেলকুঞ্জ ভ্রমণের আগ্রহ প্রকাশ করেছেন।

মুখ্যমন্ত্রী আরও বলেন, রাজ্যের জনজাতিদের আবেগকে রাজ্য সরকার সবসময় সম্মান করে আসছে। তাই রাজ্যের বিভিন্ন মহকুমা, পাহাড়ের কক্ষবরক নামকরণ করা হচ্ছে। গন্ডাছড়ার নাম পরিবর্তন করে গন্ডাতুইসা করা হচ্ছে। সরকার রাজ্যের সমস্ত এলাকার উন্নয়ন ও জনকল্যাণে কাজ করছে। প্রধানমন্ত্রী নরেন্দ্র মোদির সবকা সাথ সবকা বিকাশের নীতিকেই পাথেয় করে সরকার চলছে। কৃষকদের কল্যাণ, যুব শক্তির বিকাশ, গরীব অংশের মানুষের কল্যাণ ও মহিলাদের ক্ষমতায়নেও সরকার অগ্রাধিকার দিয়ে কাজ করছে।

গন্ডাতুইসা সফরে মুখ্যমন্ত্রী এদিন গন্ডাতুইসা মহকুমা হাসপাতাল পরিদর্শন করেন ও স্বাস্থ্যকর্মীদের সাথে মতবিনিময় করেন। মুখ্যমন্ত্রী জানান, রাজ্য উন্নত স্বাস্থ্য পরিষেবা প্রদান ও গুণগত শিক্ষার সম্প্রসারণে সরকার অগ্রাধিকার দিয়েছে। প্রাণিক জনপদের মানুষের কাছে উন্নত স্বাস্থ্য পরিষেবা পৌছে দিতে প্রাথমিক স্বাস্থ্যকেন্দ্রগুলিকে শক্তিশালী করা হচ্ছে।

উদ্বোধনী অনুষ্ঠানে উপস্থিত ছিলেন যুব বিষয়ক ও ক্রীড়ামন্ত্রী টিংকু রায়, সাংসদ রেবতী ত্রিপুরা, ত্রিপুরা উপজাতি এলাকা স্বশাসিত জেলা পরিষদের কার্যনির্বাহী সদস্য রাজেশ ত্রিপুরা, জেলা পরিষদের সদস্য ভূমিকানন্দ রিয়াৎ, ডুমুরনগর বিএসির চেয়ারম্যান প্রেমসাধন ত্রিপুরা, ভাইস চেয়ারম্যান বিকাশ চাকমা, রহস্যবাড়ি বিএসির চেয়ারম্যান প্রদীপ জমাতিয়া, ভাইস চেয়ারম্যান কসরঞ্জন ত্রিপুরা, তথ্য ও সংস্কৃতি দপ্তরের সচিব ড. প্রদীপ কুমার চক্রবর্তী, ধলাই জেলার জেলাশাসক সাজু বাহিদ এ, পুলিশ সুপার অবিনাশ রায় প্রমুখ। অনুষ্ঠানে সভাপতিত্ব করেন বিধায়ক নন্দিতা দেববর্মা (রিয়াৎ)। স্বাগত বক্তব্য রাখেন জেলাশাসক সাজু বাহিদ এ।
